

近代中國史料叢刊第五十三輯

沈雲龍主編

佳夢軒雜著
奕麋著

1 東華錄綴言

2 清語人名譯漢

3 歌章祝辭輯錄

4 諡法續考

文海出版社印行

東華錄綴言

佳夢軒
著

卷一

佳夢軒林取
著

之誠



當民國二十一年夏。燕京大學圖書館。以重金從舊家購得佳夢軒叢著十
一種。爲東華錄綴言六卷。歌章祝詞輯錄二卷。謚法續考一卷。本朝王公封號附
異姓公侯伯一卷。封諡謚清一卷。清語人名譯漢二卷。侍衛瑣言一卷。補遺一卷。
煨柸閒談一卷。括談二卷。管見所及一卷。補遺一卷。寄楮備談一卷。都凡二十一
卷。初無總名。以書中有佳夢軒之名。爲題曰佳夢軒叢著。其書皆未署姓名。唯于
序跋中分題愛蓮居士。墨香書屋主人。鶴侶主人。觀東華錄綴言卷三。記聖祖御
書清慎勤三字條。自稱曰賡。又卷五。記十六阿哥允祿條。稱余先父綿諱言果。承
嗣襲莊親王之爵。又寄楮備談。記閑散宗室賞四品頂戴條。稱余於道光八年。革
去頭品頂戴。至道光十一年。授三等侍衛。余即戴用三等侍衛五品水晶頂。考之
清史稿列傳六。承澤裕親王碩塞傳云。綿課道光六年薨。諡曰襄。子奕寶嗣。八年

以寶華峪地宮入水。追論綿課罪。降奕寶郡王並奪諸子奕𪔐奕𪔑奕𪔒奕𪔓奕𪔔奕𪔕奕𪔖奕𪔗奕𪔘奕𪔙奕𪔚奕𪔛奕𪔜奕𪔝奕𪔞奕𪔟奕𪔠奕𪔡奕𪔢奕𪔣奕𪔤奕𪔥奕𪔦奕𪔧奕𪔨奕𪔩奕𪔪奕𪔫奕𪔬奕𪔭奕𪔮奕𪔯奕𪔰奕𪔱奕𪔲奕𪔳奕𪔴奕𪔵奕𪔶奕𪔷奕𪔸奕𪔹奕𪔺奕𪔻奕𪔼奕𪔽奕𪔾奕𪔿奕。王先謙東華錄。道光八年九月癸亥。諭奕寶已有旨降爲郡王外。奕𪔐著革去不入八分輔國公。奕𪔑著革去鎮國將軍。奕𪔒著革去散秩大臣。奕𪔓著革去輔國將軍。奕𪔔著革去頭品頂戴。乃知其人即奕賡也。其行誼于侍衛瑣言中。自言自道光十一年至十六年官侍衛者凡六年。此外別無可考。諸書序跋多作于道光二十二年至二十六年。書中記事亦及道光丙午而止。東華錄綴言間有注語稱補者。以侍衛瑣言補之。例例之。當亦奕賡自補。所補亦不及道光以後事。然此諸書寫本乃諱及貯字淳字。豈奕賡後曾經歷文穆兩朝歟。近人瓜圃敘錄。有觀成所作重訂東華錄綴言跋。稱奕賡爲莊襄親王世子。而東華錄綴言卷三。稱余幼弟奕寶襲爵。目之曰幼。蓋以別于諸弟也。考清史稿皇子世表四。奕寶爲綿課第十三子。奕

賍第四。奕許第七。奕興第九。而不及奕賡。度奕賡或綿課長子。不然。觀成不應以世子稱之。若其管見所及中。稱今上道光紀元之初。先君子六十生辰。則其年在道光末。當已五六十矣。則此諸書寫本。或爲後人寫定。亦未可知。惜不得耆舊熟知先朝事者一質之。然手稿既不可見。則視此定本如稿本斯可矣。此東華錄綴言六卷。自序謂就蔣良騏東華錄校讐。重鈔分爲六卷。每卷附綴言數則。後始將綴言別錄一通。然據觀成所爲跋。則謂東華錄重訂之本。與蔣錄同傳。以卷帙過多。力不能刻。乃摘後附綴言。先付剞劂。是綴言已有刻本矣。然徧訪之弗獲何也。重訂東華錄體例如何不可知。據瓜圃敘錄。有奕賡道光戊戌所自作重訂東華錄序。謂所謂東華錄者。善本既不可得。因就市本逐條考證。參以開國方畧及通志會典傳記諸書。題曰重訂東華錄。然則重訂者不止校讐訛誤。且就各條加以

考證綴言則不過每卷後數條而已。然此本綴言六卷。哀然成帙。以與蔣氏東華錄對勘。即逐條考證錄中之事。豈奕賡以所考者。不必附蔣氏書而行。別爲一書。遂泛及乾嘉以後之事歟。若然。則觀成所刻者。僅卷後寥寥數則。此東華錄綴言。爲奕賡改訂成書。在觀成鈔刻之後六七年。彌可貴矣。洪都謬主柱下之藏。嘗以孤本祕笈。流傳最少。浸即于亡。心焉閔之。因節縮經費。爲傳刻之資。祕本中史乘尤足參稽。故先後刻成若干種。屬于乙部者居多。觀奕賡諸書。歌章祝詞。有出于太常樂章之外者。封諡謚清。清語人名譯漢。則清史之國語解也。東華錄綴言。朝章國故。世系宗支。靡不詳貫。謚法續考。多爲楊樹皇朝謚法表所漏。侍衛瑣言。有宗室侍衛之名。足補記載之闕。其餘諸種。命名雖殊。旨趣則一。其說八分之制。紅黃紫帶子之分。紅白藍甲之別。記睿親王復封後。稱紅帶子。不入宗支。記田雄負

義。其後裔存爵革俸。永駐寧古塔。爲船廠水手之長。記清初葉臣遇撰寧海將軍固山貝子遺愛碑。稱爲貝子王。蓋仍國初街市之語。當時雖閑散宗室。民間亦以王呼之。記堂子以祀天。其典至重。四季有祀。按月有祀。有事則祀。親郡王亦得立桿掛紙。貝勒以下不許。又記各省銀庫之名。記御製槍炮之名。記錄營武具之名。皆爲尋常記載所不及。而語必有徵。足以參史。蓋能讀實錄會典八旗通志等書。見聞復廣。隨事留心。勤於記載。禮俗並陳。宏纖畢具。單辭碎語。皆關考證。可謂耶律儼之流亞矣。間亦摘錄王士禎紀昀梁章鉅筆記。不過數事。亦有失之眉睫者。如稱本朝三元。數陳繼昌而不及陳以前之錢棨。稱乾隆之鴻博有二科。而不知二年之試爲補試。稱郎廷佐所造瓷器爲郎窯。而不知郎窯乃康熙四十年以後郎廷極所作。山陽許志進有贈廷極七古可證。則偶有疎密。固不能以一眚掩其

全書之美也。清儒諱言當代史事。遂並典章制度無人注意及之。成書獨少。三百年史事。官書而外。舍八旗人著述。殆將無徵。若昭槩嘯亭雜錄。最爲人所稱道。然所詳者紀事而已。至若多聞多見。足釋疑滯。以視奕賡之書。似猶不逮。乃任其淹沒不傳。豈非憾事。洪都因以東華錄綴言。先爲刊布。餘將次第授梓。後若購求有獲。或奕賡之書。如自撰年譜之類。或他人著作。有類于奕賡之通曉一代掌故者。皆亟欲公之于世者也。原本舛訛不少。幸得薛子瀛伯爲之詳校。其有疑義待證者。則仍之。不敢妄有點竄。所以志愼也。民國二十四年一月田洪都謹序。

東華錄綴言

蔣良騏東華錄初無鐫本傳鈔既廣魚魯頗多余嘗校讐重鈔分爲六卷每卷末附綴言數則就事考事亦頗詳該每一翻閱眼界頓明今春無事將綴言另錄一通以當溫習聊以永日云爾

道光甲辰春暮錄於佳夢軒

東華錄第一卷綴言

鶴侶曰三姓爭爲雄長疑即今之三姓地方按開國方略云衆曰此天生聖人不可使之徒行遂交手爲舁迎至家云今之幼童二人以腕相交一人騎而坐名曰坐轎或即交手爲舁之遺意耶

滿洲之始甚德鵲故至今凡祭天祭祖俱有享鵲之肉

肇興景顯統尊之曰四祖然以太宗之世追贈高曾祖考以興祖爲高而四世上例不得贈故又贈始祖澤王爲肇祖原皇帝是以肇祖爲始以興祖爲高故充善及錫寶齊篇古皆不預也

興祖生子六人景祖其四也統爲之六祖後六祖派下俱爲覺羅繫紅帶景祖派

下之武功郡王慧哲郡王宣獻郡王恪恭貝勒又謂之四祖派下者亦繫紅帶爲覺羅自顯祖派下俱爲宗室繫黃帶後有宗室獲罪降爲紅帶子者亦繫紅帶而不稱覺羅直名曰紅帶子又有覺羅獲咎降爲紫帶子者

巴克什之號始于達海即今所謂把式者也

鄭親王濟爾哈朗諡獻廂藍旗人追封親王諡莊舒爾哈齊之子也爲顯祖宣皇帝之孫後改封簡親王乾隆四十三年仍改始封之號爲和碩鄭親王後裔烏爾恭阿現襲鄭親王爵烏爾恭阿原名佛爾國崇額乾隆六十年旨改今名補又按聞諸故老云舒爾哈齊即按巴凌烏親王也是諡號非封號也

敬謹親王尼堪謚莊廣略貝勒褚英之子也廂紅旗人爲太祖高皇帝之孫後裔

有麟現襲奉恩鎮國公

補有麟緣事革有鳳現襲公爵

禮親王代善諡烈廂紅旗人太祖高皇帝次子也後改封康親王世襲罔替乾隆十九年入祀盛京賢王祠四十三年復始封之號仍爲和碩禮親王後裔全齡襲禮親王爵

英親王阿濟格太祖高皇帝第十二子也緣事削爵黜宗籍令自盡于獄乾隆四十三年諭曰朕覽實錄載英親王阿濟格秉性不純往追流賊誑報已死又擅至沿邊索馬且向巡撫囑托公事過跡昭着雖前此亦有微功不足以折其罪黜爵寔由自取至其子孫前此降爲庶人削其宗籍皇祖御極之初曾加恩將其次子傅勒赫復還宗支追封公爵遞襲其餘諸子仍除籍嗣于康熙五十二年復蒙恩將其第三子伯爾遜第八子佟塞第十子鄂拜第十一子班進泰各支賜給紅帶子附入玉牒今恩傳勤赫一支旣作爲宗室襲爵其有後之伯勒遜各支及無後